

## Universitätsbibliothek Paderborn

### **Ephemeris Ecclesiastica Concionatorvm Hoc Est Considerationes Methodicæ Sev Veritates Practicæ**

Ex Vita Domini Jesu, Sanctorumque Gestis In Singulos anni dies mira  
facilitate & solertia distributæ ... ; Cum indicibus necessariis

Pars Hyemalis - A Dominica I. Adventus Domini nostri usque ad  
Dominicam Septuagesimæ

**Haineuve, Julien**

**Coloniæ Agrippinæ, 1665**

In nocte Nativitatis Domini. Et reclinavit eum in præsepio, quia non erat ei  
locus in diversorio. Aut Christus fallitur, aut mundus errat.

**urn:nbn:de:hbz:466:1-44194**

# IN NOCTE NATALIS DOMINI.

*Et reclinavit Eum in præsepio, quia non erat eis locus  
in diversorio. Luc. 2.*

## VERITAS PRACTICA.

*Aut Christus fallitur, aut Mundus errat.*

*RATIO EST.* Quia ex duabus contradictione seu contrariè oppositis, necesse est alterum falli & errare.

Sed Christus & Mundus, sic sunt inter se oppositi.

Ergo aut Christus fallitur, aut Mundus errat. SED quia divinam falli impossibile est Sapientiam, hinc necessario sequitur Mundum errare, ac preinde ab eo tam cavendum, quam Christo conformari volumus.

## I. P U N C T U M.

**P**ERVENIUNT tandem sub vesperam, Maria & Joseph, in Bethleemiticum oppidum, quod eos obedientia Cæsari Augusto reddita, vocaverat. Diversiorum aliquid, ut mos est viatorum, in Civitate querunt, sed undique repelluntur, tum ob multitudinem adventantium, tum ob paupertatem quam præse cerebant. Egressi igitur civitate, sese recipiunt in vicinum quoddam antrum omnibus pervium, quod stabuli formam & usum referebat. Hæc est scilicet illud domus hoc palatium quod Filio suo nascituro paraverat Deus! Illic sanctissima Parens divini sui partus præsentiens cœlicissimam horam, Præsepe ad lectuli modum, qua potest inducere & pietate, componit; stamen, foenum, paleas, & quicquid vile est hujusmodi colligit, tum pannos lineos inopes quidem, sed bene mundos, involvendo Filii corpusculo parat.

*ECCE autem cum quietum silentium contineret omnia, & nox in suo curju medium iter haberet, Omnipotens sermo Dei, Verbum illud divinum, jam novem mensibus incarnatum, à Regalibus Sedibus venit; INTACTA MATRE NASCITUR, appetat nudus in terra, pannis involvitur, in præsepio reclinatur, quia non erat locus in diversorio!*

*Overè Verbam breviatum quod fecit Dominus super terram! Quām multa paucis comprehensa mysteria! Deus homo! Deus infans! Deus in præsepio! Quid hic primum aut ultimum mirer! Jungi te anima, juge te cordibus Mariæ & Josephi, nam altiora sunt & sacraiora mysteria, quām ut ipsa tu sola possis complecti; adora cum ipsis natum Deum; admirare cum illis parvulum; congaude, condole, & omnes illorum affectus inde quibus tam debito pieratis officio, erga Deum tuum te exolvas, & ad fructum quem prætendit referendum, cum ipsis gratia, te disponas.*

*HIC est autem eius finis, & fructus inter alios, ut agnoscas quām longe Mundus erret in suis dictis & factis, ne cum illo erres. Agnosces vero hic tam certò & evidenter, quām certum est & evidens ex Christiana fide, Christum non posse falli. Nam posita Veritate, qua ex Divo Bernardo est, *Aut Christus fallitur, aut Mundus errat;* quantum est evidens & infallibile, Christum non posse falli, tam erit omnino evidens & manifestum quod Mundus erret.*

*Ratio quæ id convineit, ipsa est, qua proposita Veritas declaratur; Nempe ex duabus contradictione vel contrariè oppositis, necesse est alterutrum falli seu falsum esse.*

K. 3

Hoc

*Serm.  
de Na.*



*Ex 1. E-  
leni. 4.  
L. 10. Me-  
cap. 6.  
5. Phys.  
tehui 25.*

Hoc est principium indubitatum, & ipso va-  
tum & lumine notum, unde haec effata commu-  
nia, & ab omnibus ubique semper recepta e-  
manarunt; De quocunque affirmatur alterum  
oppositorum negatur alterum. De natura con-  
trariorum est. item expellere. Conservati-  
vum unius contrarii est destruendum alterius.  
Contradicentium nullum est medium. Contra-  
dictio est pugna affirmationis & negationis. De-  
mique impossibilis est duo contradictoria esse si-  
mul vera, aut simul falsa. Quod quidem tam  
certum est, ut ne per ipsam Dei omnipotentiam  
aliter fieri possit. Neque est aliud quicquam  
quod negetur à Deo fieri possit, nisi quod con-  
tradicitionem implicat, nisi quod contradicto-  
rium est; hoc unum respondetur, si quid divi-  
nus negetur impossibile. A que hoc tam  
clarum est non posse fieri, ut alio probationis  
lumine quo illustretur, non sit opus.

*Deut. 28.*

Hæresne dubius in hac veritate? Palpares  
in metie, quæ est damnosa cœcitas.

## II. PUNCTUM.

**S**ED Christus & mundus sunt contradictorie  
*seu contrariè oppositi.*

*E. Joann. 2.*

Licet contradictoria & contraria, duæ  
sint diversæ oppositiones, unam tamen can-  
demque in Christo sic nato statuimus, quia  
quâ ratione est contrariè oppositus mundo, cā-  
dem est contradictoriè oppositus. Contrarius  
tempore est mundo Christus, quia contrariam  
mundo vitam instituit. Omne quod est in mun-  
do, inquit dilectus Discipulus, concupiscentia  
carnis est, & concupiscentia oculorum, & super-  
biae vita. At omne quod est in stabulo Bethle-  
mitico seu in Christo ibi nato, & in præsepi  
reclinato, oppositum est & planè contrarium illi  
tripli concupiscentiæ. Perpende diligenter.

*Traff. 24.  
In Joann.*

Sic vero est etiam contradictoriè mundo  
oppositus, id est, illud affirmat quod mundus  
negat, aut illud negat quod affirmat mundus;  
Nam et si Christus infans nihil loquitur, nihil  
ore affirmat aut negat; non desinit tamen lo-  
qui & loquendo delinquere quod mundus ad-  
ditum. Ipsi opus loqua est, utat S. August.

*In Joann.*

Quia ipse Christus verbum Dei est, etiam fa-  
ctum verbi, verbum nobis est. Hoc præclare S.

*Serm. 3.*

Bernardus, In stabulo, inquit, nascitur Christus,  
& in præsepio reclinatur. Et nonne ipse est  
qui dicit, meus est orbis terra & plenitudo ejus?

*in Nativ.*

Quid ergo stabulum elegit? Planè ut reprobat

gloriam mundi, damne: facili vanitatem; Ne  
dum loquitur lingua, & quecumque sunt de eo  
clamant, prædicant, Evangelizant; ipsa quoque  
infantilia membra non silent. Is omnibus man-  
di judicium arguitur, subvertitur, confutatur.  
Et alibi. Infans quidens est, sed Verbum. Infans  
cujus ne ipsa quidem infantia tacet. Clamat  
hoc stabulum clamat præsēpe, clamant lachry-  
ma, clamant panni. Nempe illud ipsum quod  
postea præ cabit, Beati pauperes ipsiū: Væ  
vobis divitibus. Et quæ totò continentur E-  
vangelio.

Ah Christe Jesu, jam capio quod dixisti.  
Mundus me odit quia testimonium perhibeo de  
illo, quod opera ejus mala sunt, & rursum, Con-  
fidite, Ego vici mundum.

## III. PUNCTUM.

**A**VT Christus ergo fabritur, aut mundus er-  
rat; seu potius, Cum ergo Christus non  
fallatur, certissime mundus errat. Nam ab iis-  
dem principiis utraque planè manat conclusio.  
Nempe ex duobus oppositis, alterum falli  
necessè est: Christus autem & mundus sunt  
inter se oppositi; Aut ille igitur, aut iste fallit  
ur; Est enim veritas indivisibilis, aut tota se  
tenet ex parte unius, aut tota ex parte alterius.  
At cum Christus sit ipsa Veritas, & ipsa Dei  
Sapientia, quæ nec falli potest nec fallere, quid  
sequitur nisi mundum falli? quid sequitur cli-  
ente Christo quod carni mortalius est, nisi  
quod ait S. Bernardus, Id ergo melius, id utili-  
us, id potius eligendum: & quisquis aliud do-  
ceat vel suadeat, ab eo tanquam a seductore ca-  
vendum. Tum idem perges, iam vero, inquit  
etiam nocte non se volvit; Vos sunt qui tantopere  
gesistunt ostendare semetipos? Christus elegit  
quod salubrius judicat, vos eligitis quod repro-  
bat ille. Quis prudenter è duabus? Cujus judi-  
cium iustias? Cujus sententia sanior?

Ut fructuosius vero hæc tibi & aliis applices, agnoscendum universum & particulatum  
quā latè patet, & quā facile scire diffun-  
dat & communicet iste mundus qui est oppo-  
sus Christo: quam in te partem habeat,  
quid in te, quid in tensu, in affectu, in verbis,  
& tota vita simile mundo sit & Christo dissi-  
mile. Ne quis autem sibi palpet quasi qui de  
Christo melius sentiat quam de mundo, audi-  
at S. Joannem Chrysostomum longè aliter de-  
scacuis, qui te foris non erant detinores, af-  
firman-

L. I. de firmantem; Etenim si quis extrinsecos undevi  
Comp. c. 1 cung, adesset & preceptorum Christi ac nostra  
conversationis confusionem ac perturbationem  
videret, nescio an alias magis ullos quam nos, ini-  
micos esse & contrarios preceptorum Christi ju-  
dicaret. Quasi enim qui studium quoddam ha-  
buerimus contraria in omnibus gerere quam ille  
mandavit, ita viam hanc vita peragimus. Et

post exhibita Christi exempla & monita, sic  
pergit; Ad hac quid dicemus? pro singulis enim Ibid. c. 4.  
hic lachryma tantummodo preferenda sunt, &  
confusio habenda est; Aperi enim contra hæc  
omnia militamus. Væ mundo à scandalis! Et  
væ tibi à mundo, quisquis ab eo tibi non ca-  
ves, quisquis Christo totus non adhaeres. Hac  
loquere, & exhortare.

*Matt. 18.*

## IN DIE NATALIS DOMINI.

*Magnificatus est Rex pacificus, super omnes Reges uni-  
versæ terræ. 3. Reg. 10.*

### VERITAS PRACTICA.

Christus in præsepi, & Christianus in humili-  
tate, magis magnificatus est quam Salomon  
in Throno suo.

RATIO EST, Quia tota Salomonis magnifi-  
centia in his quatuor consistebat, Sapientia,  
Potentia, Divitiae, & Deliciae.

Sed Christus, & Christianus in his quatuor  
magis abundant.

Ergo uterque magis magnificatus est quam Sa-  
lomon in Throno suo. Quod certè mirum, &  
valde considerandum.

### I. PUNCTUM.

Tract. 1.  
in Joann. **N**Evile aliquid putares, inquit S. Au-  
gust., quale confueisti cogitare, cum  
verba humana soleres audire, audi  
quid cogites, Deus erat Verbum. Sic  
planè modò, ne vile aliquid putes, cum cogi-  
tas puerum in præsepi positum, audi quid co-  
gites, Magnificatus est Rex pacificus; Non mo-  
dò magnus est iste puer, quia Deus est; sed ut  
simil homo atque infans in præsepi positus,

magnificatus est supra omnes Reges, & supra  
quam ipse Rex Salomon in throno suo. Quod  
enim dicebarum de Salomone super omnes alios  
Reges universæ terre, hoc modo Ecclesia  
usurpat de Christo Domino: Atq; ab his ver-  
bis officiis quod de ejus Natali instituit, ex-  
orditur, ut intelligamus non sic cogitandum  
esse patrum & humiliaum Dominum, quin  
simil magnum & maximè magnificatum con-  
sideremus.

Neque id tantum de Christo intelligas, sed  
& de Christiano, Christi sui sectatore, in Pa-  
upertatis, Continentia, Humilitatis, Contem-  
ptus mundi, cæterarumque virtutum praxi.  
Non sic deprimit illis virtutibus, quin simul  
exalteatur. Non sic invitat suos Christus ad  
contemptum gloriæ, divitiarum, & volupta-  
tis, ut nullam eis gloriam, nullas divitias, nul-  
las voluptates concedat. Non hæc fulfult bo-  
na Christus, sed mutavit. Sustulit gloriam va-  
nam, & proposuit veram; fallaces commuta-  
vit divitias in solidas, & nunquam periuras;  
voluptatem carnis transtulit in gaudium spi-  
ritus, & in illam pacem, Quæ exuperat omnem Phil. 4.  
sensem.

Atque

